



انا مش رقم

انا مش رقم فى اجندتك مش اى واحده حبتك

مش واحده ترضيلك غرورك انا دنيا عشقت دنيتك

وفى الحقيقه وفى الخيال بنيت على حبك امال

وقولت نسيانك محال وسجنت نفسى ف جنتك

داريت فى القلب ياما وحفظت الحب ياما


ورضيت بجراحي منك الا جرح الكرامه

نسيت احلام معاك نسيت كل اللى فات

مش فاضل من هواك غير حبة ذكريات

منغير الحب هعيش يعنى اللى محبش مات؟





ويوان شريط ذكريات

يمكن هحتاج لوجودك وهحس بوحده ساعات
لا مش رقم ولا عمرى هقبل اكون رقم
مبقتش اغير ولا اخاف عليك مبقتش مشتاقه لعينيك
مبقتش هسمعك كلام ولا صلح يفرق أو خصام
بلاش عليا تدور ولا حتى فيا تفكر
قلبي قدر ينساك انسانى يوم لو تقدر
مش هتوه بعدك انا فى بحر ومالوش ضفتين
يمكن ادوق طعم الهنا يمكن هتضحكى السنين
احتميت م الدنيا فيك ووعدت هتشيانى فعينيك
تحمينى بحبك من وجعى وراهنت بكل حياتى عليك
سبت قلبي يعيش فى حلم حلمى ضيعته بايديك
حاربت الكل علشانك وخننتى وحاربتنى





ويوان شريط ذكريات



داويت وجعك واحزانك وبأيدك انت وجعتني

بقيت مع الايام عليا بتعشق الدمع ف عينيا

احلف بقي واكذب احلى الكلام اكتب

وقولّي بتعد النجوم وبتسهر الليل كل يوم

قولت بأيدك تمسح دموعي وانت بأيدك نزلتها

وكنت اغيب تضمن رجوعي ما انا كنت ساذجه وقتها

ياريت ما عشت دنيتك ياريت ما كنت دخلتها

يا حلم طول عمري احلمه وحلمي بأيدك انتهى

ارحل بقي ارحل بقي مبقتش لك متشوقه

ارحل بقي عن دنيتي سييني لدموعي وغرتي

انا قلبي كان عندك امانه بعث الامانه وخونتها

ارحل بقي ارحل بقي

(٢٥)

